



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba civilne zaštite

Tel: 032 650 022
032 650 108
032 650 157
Fax: 032 650 220

www.opcina-tesanj.ba
E-mail: optesanj@bih.net.ba
mensur.saletovic@opcina-tesanj.ba



Krndija bb, 74260 Tešanj

Broj: 07-44-6-2-122-2/10

Datum: 23.06.2010. godine

IZVJEŠTAJ
PO SKRAĆENOJ LISTI PITANJA O DOSTAVLJANJU INFORMACIJA
OPERATIVNIM CENTRIMA CZ

(zaključeno u 10,15 sati)

Red. broj	VRSTA INFORMACIJE	DNEVNO STANJE
1.	Prirodne nepogode i druge pojave i događaji	<p>Protekli dan: Protoklog dana u periodu od 04,00 do 21,00 sat usljed obilnih kišnih padavina došlo je do poplave na područjima mjesnih zajednica Rosulje, Medakovo, Novo Selo, Piljužići, Kalošević, Jablanica, Karadaglije, Bukva, Trepče, Jelah, Tešanjka Kraševo, Raduša i Džemilić Planje. Poplava je najvećim dijelom zahvatila područje Jelah polja, Piljužića-polje, Kaloševića i Kraševa, gdje su provedene mjere evakuacije iz stambenih objekata. Nakon što je oko 13,00 sati, nakon probijanja nasipa u MZ Kalošević, došlo do privremenog izmještanja stanovništva, isto se vratilo u stambene objekte, osim jedne porodice koja je smještena u drugom objektu. Evakuacija jedne tročlane porodice provedena je i u MZ Rosulje, a nešto iz 17,00 sati evakuacija 5 porodica je izvršena i MZ Kraševo (15 stanovnika) koji su zbrinuti. Evakuaciju u Kraševu provela je specijalna jedinica MUP-a ZDK u saradnji sa vatrogasnom jedinicom. Usljed klizišta i ugrožavanja stambenog objekta u naseljenom mjestu Tugovići evakuisana je jedna petočlana porodica. Usljed poplava na cijelom području općine, prema podacima sa terena, ukupno je bilo ugroženo 109 objekata i 2 škole. Za saobraćaj su u prijepodnevnom satima bile zatvorene putne komunikacije Tešanj-Tešanjka u mjestu Medakovo, Tešanj-Jelah u mjestu Vukovo i Tešanj-Karadaglije u Kiseljaku. Zbog provođenja operativnih mjera zaštite i spašavanja izvršeno je isključenje električne energije na području Rosulja, Jelah polja i Piljužića-polje. U predvečernjim satima električna energija je puštena području Rosulja i Piljužića-polje, dok područje Jelah polja nije pušteno zbog vode koja se nalazila u objektima. Zbog plavljenja vodozahvata lokalnog vodovoda u Kaloševuću, jučer od poslijepodnevni sati voda iz ovog vodovoda nije za upotrebu. Također voda iz vodovoda Kraševo, koja je u nadležnosti KP“Rad“, prema njihovim uputama nije za piće, dok se može koristiti kao tehnička voda za druge upotrebe. Tokom provođenja operativnih mjera i poplave nije bilo ljudskih žrtava, dok je zabilježeno uginuće 1 krave.</p> <p>Stanje jutros: Stanje vodostaja jutros u odnosu na protekli dan je u dosta povoljnijoj situaciji, obzirom da je tokom noći došlo do osjetnog pada vodostaja, naročito rijeke Usore. Vodostaji: Usora (Kalošević most): - 21,55 sati.....3,3 m - 00,45 sati.....2,8 m - jutros 05,30 sati.....2,3 m - jutros 09,00 sati..... 2,30 m Najveći nivo proteklog dana u kritičnoj fazi iznosio je 4,5 m. Tešanjka: visok nivo mjestimično manje izlivanje. Trebačka rijeka: visok nivo u koritu. Radušica: povećan nivo, u koritu.</p>

		<p>Jutros su nastavljene aktivnosti na provođenju mjera otklanjanja posljedica u objektima koja su bila poplavljena. Ekipe civilne zaštite su od ranih jutarnjih sati na terenu kako bi voda iz objekata bila uklonjena. Pokrenuta je i stalna planska dostava pitke vode u MZ Kalošević. Stanovništvo će u ovoj mjesnoj zajednici tokom dana i nadalje biti snabdjevano pitkom vodom, te se za informacije mogu obratiti povjereniku u MZ.</p> <p>Ekipe Higijensko-epidemiološke službe su izašle na teren u cilju provođenja mjera uzimanja uzoraka i kontrole lokalnih vodovoda i drugih vodovodnih sistema, sa ciljem preduzimanja mjera.</p> <p>Služba civilne zaštite ponavlja preporuke KP“Rad“ i Higijensko-epidemiološke službe Doma zdravlja da do daljnjeg voda iz vodovoda Kalošević nije za upotrebu, a voda iz vodovoda Kraševo nije za piće, dok se u druge svrhe može koristiti.</p> <p>Iz preventivnih razloga preporučuje se građanima da primjenjuju uobičajene mjere prokuhavanja vode za piće, a o eventualnim drugim mjerama građane ćemo obavijestiti putem medija. Također, molimo građane da i dalje prate upute ekipa civilne zaštite na terenu.</p> <p><u>Klizišta:</u> Usljed obilnih kiša, došlo je i do pojave klizišta u večernjim i jutarnjim satima i to: -put Čatin greb-Tugovići gdje je odsječen pu u dužini od 40 metara, ugrožena 3 objekta i odsječeno nekoliko stambenih objekata. -put kroz Tugoviće, ugrožen stambeni objekat, -Koprivci, ugrožena 2 stambena objekta, -Šije, ugrožen stambeni objekat, evakuisana porodica, -Šije, klizište pored stambenog objekta. -Trepče, iznad stambenog objekta, isti ugrožen. -Tešanj (Jahića brdo), ugrožen put i elektro vodovi. -Lepenica (Bedaci), ugroženo 5 stambenih objekata. Također je aktivan i znatan broj ranijih klizišta.</p>
2.	Stanje puteva	<p>Magistralni put M-17: Šamac-Sarajevo i magistralni put M-4: Doboj-Banja Luka: mokri i klizavi; Regionalni put RP-474: Novi Šeher-Prnjavor: mokar i klizav. Na mjestu odrona u mjestu Mekiš saobraćaj se odvija jednom trakom. Lokalni putevi: mokri i klizavi. Usljed klizišta za saobraćaj je zatvoren lokalni put za naseljeno mjesto Trepče i lokalni put pored džamije u Mrkotiću prema naselju Kadrići. Zbog oštećenja u prekidu je i obilazni put u MZ Trepče za naselje Zlatići. Koriste se obilaznice. Saobraćaj se na području općine odvija po mokrim i klizavim putevima. Vozačima se preporučuje da vožnju prilagode uslovima na putu.</p>
3.	Klimatološki i drugi uslovi	<p>-Stanje u 08,00 sati: oblačno sa kišom; -Temperatura u 08,00 sati: zrak: 12°C; -Pravac i brzina vjetra: -; -Količina padavina za protekla 24 sata: 73 l/m²; Vodostaj rijeka: BOSNA- u opadanju, USORA-u opadanju, TEŠANJKA- u opadanju, sa manjim izlivanjem. Za 48 sati palo je 123 l/m² kiše.</p>
4.	Informacije iz Policijske uprave	<p>U protekla 24 sata na području općine nije bilo evidentiranih bitnijih pojava iz oblasti kriminaliteta i narušavanja javnog reda i mira.</p>
5.	Informacije iz Službe hitne pomoći i porodajnog odjela	<p>-Služba hitne pomoći u protekla 24 sata evidentirala je 50 intervencija, od toga 4 zbog povreda. U bolnicu je upućeno 7 osoba.</p>
6.	Snabdjevanje energentima, vodom i stanje telefonskih veza	<p>ELEKTRIČNA ENERGIJA- Zbog poplava električnom energijom nije snabdjeveno područje Jelah polja. Ekipe su na terenu i preduzimaju mjere kako bi se električna energija uključila i ovom području. Ostalo područje općine je uredno snabdjeveno električnom energijom. VODA- vrši se redovna isporuka pitke vode iz sva tri vodovodna sistema kojima upravlja KP „Rad“. Voda iz vodovoda Kraševo nije za</p>

		piće, ali se može koristiti u druge svrhe. Otežana je prerada vode iz vodovoda Tešanj. Dok se snabdjevanje vodom iz vodovoda Jelah vrši uredno. Distribuirana voda iz navedenih vodovodnih sistema, osim vode iz vodovoda Kraševo, upotrebljiva za sve namjene. Voda iz vodovoda u Kaloševiću nije za upotrebu. TELEF.VEZE- uredno funkcionišu.
7.	Ostale informacije	/

DOSTAVLJENO:

1. Općinski načelnik,
2. Kantonalna uprava CZ,
3. Press Općine Tešanj,
4. Mediji i
5. Arhiva.

**POMOĆNIK
OPĆINSKOG NAČELNIKA
Mensur Saletović, prof.**